



UNIVERSITÄTS-
BIBLIOTHEK
PADERBORN

Universitätsbibliothek Paderborn

Io. Francisci Leonis Eporediensis I. V. D. Episcopi Thelesini Thesaurus Fori Ecclesiastici

Leoni, Giovanni Francesco

Coloniae Agrippinae, 1682

39 Professionem emittendi tempus post annum novitiatus ex legitima causa à superioribus cognita potest prorogari.

urn:nbn:de:hbz:466:1-10316

tempus nē Episcopus ignoret, tenetur; Præfecta Monasterii eum ante mensura certiorē facere; Quod si præfecta certiorē Episcopum non fecerit, quamdiū Episcopo videbitur ab officio est suspensa. Con. Trid. in d. cap. 17. de regul. & mon. sess. 25.

36 Ad professionem tam virorum, quam mulierum ante decimum sextum annum expletum emittendam nemo admitti potest. Concilium Tridentinum, cap. 15. eod. tit. de regul. & mon. nec, qui minori temporis spatio, quam per annum post susceptum habitum in probatione steterit, ad professionem est admittendus, cap. 17. quest. 2 & Conc. Tridentin. eod. cap. 15. Professio autem antea facta, nulla est, nullamque inducit obligationem ad alicujus regulæ, vel religionis, aut ordinis observationem seu ad alios quoscunque effectus, d. cap. non solum, §. quod si fortè & Concil. Tridentin. eod. cap. 15. in fin. de regul. & monial.

37 Inter milites S. Joannis Hierosolymitani extra conventum religionis degentes est locus tacitæ professioni, ut fuit in sacra congregatione decisum super d. cap. 15. §. an sit locus. Et in habitus susceptione milites Hierosolymitani ex tenore suorum statutorum emittunt professionem, quæ tamen per habitus delationem extra conventum prælumitur postea post annum tacitè ratificata, ut in d. §. an sit locus, & §. an in militibus, in eisdem decis. super eod. cap. 15. nec, qui ex voto religionem ingreditur, potest in ea validè ante decimum sextum annum expletum, vel intra annum probationis professionem emittere, ut in decis. super cap. 16. §. anis, de regul. ead. sess. 25.

Nec ulla tam renunciatio, aut obligatio antea etiam cum juramento facta, etiam in favorem cujuscunque causæ piæ, valeat, nisi cum licentia Episcopi, sive ejus Vicarii fiat intra duos menses proximos ante professionem, quæ non intelligitur effectum suum sortiri, nisi secuta professione. Conc. Trid. eod. cap. 16. de reg. in princip. Quod decretum non habet locum in donationibus, & renunciationibus factis ante ingressum Monasterii, & habitus susceptionem; sed si quis donaverit in ipso ingressu non valet, ut in decis. super eod. cap. facta, §. nulla quoque, prout, nec valet Episcopi licentia omissa, & professione secuta, ut eisdem decis. §. cum licentia.

Nec requiritur, quod renuncians, tempore renunciationis compleverit decimum sextum annum, ut renunciatio sit valida, dummodò sit facta cum licentia Episcopi, seu Vicarii, juxta dictum cap. 16. intra duos menses proximos ante professionem. & idem, si renuncians esset tacitè professus, licet renunciasset duobus mensibus ante professionem expressam, ut in dictis decis. §. ac non aliàs, & §. & nullius effectus, finito autem tempore novitiatus, superiores novitios, quos habiles invenerint ad profitendum, admittere, aut è monasterio eos ejicere debent, ut eod. c. 16. §. finito tempore, & facit cap. cum causam, in fine de elect.

Renunciatio verò facta cum licentia Episcopi, sive ejus Vicarii intra duos menses proximos tempore, quo professio legitime emitti potuisset, non est invalida, eo quod ipsa actualis professio per aliquot menses ulterius dilata fuerit, quia tam tempus emittendi professionem post tempus novitiatus ex legitima causa à superioribus cognita

cognita potest prorogari, *ut in d. decis. super c. 16. §. renunciatio facta.*

40 Ante professionem ꝑ̄ excepto victu, & vestitu novitii, vel novitiæ illius temporis, quo in probatione sunt, quocunque prætextu à parentibus, vel propinquis, aut curatoribus ejus Monasterio aliquid ex bonis ejusdè tribui non potest, nec hac occasione discedere nequeat, quod totam, vel majorem partem substantiæ suæ Monasterium possideat, & si discesserit id facile recuperare non possit. Ideò sub anathematis pœna dantibus, & recipientibus, id est prohibutum. Et ut abeuntibus ante professionem omnia restituantur, quæ sua erant, Episcopus etiam per censuræ Ecclesiasticas, si opus fuerit, restituere recusantes compellere debet, *ut eodem. cap. 16. post med. §. sed neque. de regul. & Mon. & dicta anathematis pœna non incurritur ipso facto, nec absolutio est Papæ reservata, ut fuit à sacra congregatione decisum super eod. cap. in eisdem decis. §. sub anathematis.*

41 Professione ꝑ̄ facta, nemini regularium, tam virorum, quàm mulierum licèt bona immobilia, vel mobilia cujuscunque qualitatis fuerint, etiam quovis modo ab eis quæsitæ, tanquàm propria, aut etiam nomine conventus possidere, vel tenere, sed statim ea Superiori sunt tradenda, conventuique incorporanda. *Conc. Trident in cap. 2. de regu.* Moniales verò quicquid singulæ quoquo titulo acquisierint, totum rectè ad Abbatisæ manus deferri oportet, etiam quòd suis manibus laborando acquirunt, vel eis à parentibus donatur, etiam quòd Monasterium esset pauperimum, Abbatisa, tamen in primis ex hujusmodi acquisitionibus sub arbitrio necessitatibus illius Monialis, cujus opera,

vel contemplatione fuerint parta subvenire poterit; & quòd reliquum erit, in communem usum totius Monasterii convertere debet, & curare, ut victus monialium quotidianus sit communis, & in coctura, & in usu. *Congreg. Concil. super eod. c. 2 in decis. sub titul. Toleran. & in §. incorporantur.*

42 Prætendens autem per ꝑ̄ vim, & metum ingressum fuisse religionem, aut ante ætatem debitam emisisse professionem, vel quid simile, si velit quacunque de causa habitum dimittere, aut etiam cum habitu discedere sine licentia superiorum, non est audiendus, nisi intra quinquennium tantum à die professionis, & tunc non aliter, nisi causas, quas prætenderit, deduxerit coram Ordinario, & suo Superiore. *Concil. Trident. cap. 19. sess. 25. eod. tit. de regul. & mon.* Quinquennium verò incipit à die professionis, intra quod si minime reclamatus, & dimissus fuerit, eo elapso, etiam quòd postea allegaret vim, & metum semper durasse, non est audiendus, nisi intra quinquennium à die ejusdem professionis quis reclamasset, quo casu etiam post quinquennium erit audiendus, & ita censuit sacra congregatio Concilii, cujus sententia fuit à Gregorio XIII. approbata, *ut decis. super eod. cap. 19. in ver. Gregorius XIII. approbavit, & in ver. Gregorius XIII. audita.* Causæ autem cognitio hoc casu in secunda, & tertia instantia Ordinatio, & Superiori ejusdem religionis vicinioribus conjunctim committi debent, *ut in eisdem decis. super eod. cap. 19. §. & Ordinario.* Quòd si ante causæ cognitionem habitum propria auctoritate quis dimiserit, nullatenus ad allegandū quamcumq; causam est admittendus, sed,